

樂善堂全集

子孫永保
煙家
藏書記

和16
231
9



門八 16
蹄 231
卷 9

樂善堂全集定本卷之十九

古體詩

古風十三首

堯舜傳心學危微十六字禹湯繼其傳執中
 與禮義文王躬疊疊不已功常粹唐虞三代
 初大道中天麗比屋皆可封無煩別義利詩
 亡春秋作風薄俗亦偽惟時王道衰人人騁
 私智天生我仲尼金聲振洙泗刪詩定禮樂
 堯舜功不啻一自泰山頽彌天布妖彗楊墨

樂善堂全集定本卷之十九 古體詩



逞邪說申韓建私議鄒嶧乃揚徽奮然闢險
設戰國逮嬴秦道蝕斯文墜祖龍輕狂兒輒
敢燔典志劉季提三尺儒風豈云熾武帝始
求賢董子明正誼三策醇乎醇天人理咸備
昌黎稱聞道猶未濟其蔽自漢迄宋初道昏
人如醉偉哉無極翁粹然秉道氣學不由師
傳理已臻極致二程實見知主敬標赤幟朱
子集其成經天復行地緬維千載心授受本
同契絕續遞相衍斯文統緒寄午運數恰中

自協唐虞治作君兼作師吉士踵相繼

東皇運洪鑪發生滋萬象卉木爭芳菲春和
風淡蕩入夏氣益舒天喬俱榮長涼飈西北
來一吹天地爽洞庭木葉落空林月色朗萬
物何蕭條摧殘委草莽惟有嶺頭松蒼顏挺
百丈偉哉君子節千載令人仰

巢由避堯舜遯世心自安嚴光繼其蹤隱釣
富春灘光武曲成之高節難躋攀東漢尚名
義廉立懦與頑奸雄且顧忌千古一釣竿

御書堂文集卷之十九
比干既已死後世仰忠誠吾於三代下復得
楚屈平諫君君不聽汨羅抱孤貞詎不惜身
死未忍楚祀傾今讀離騷篇淒然傷我情
中天秋月皎四野秋風生庭梧一葉落陰蟲
相和鳴鴻鴈橫遠塞音響一何清蟬嘒忽已
寂又催刀尺聲物理皆如此隨時有桔槔
鍾期既棄世伯牙不鼓琴管鮑貧時交意氣
稱斷金豫讓報智伯吞炭自成瘡知己有高
下友道有古今骨化不能泯千秋同此心

東海有瀛洲僊人居其間安期羨門子九轉
成金丹自謂得長生飛昇如羽翰倫物苟遺
棄狝生亦何歡

子房報韓讐傾產不謀家去項而事劉迹如
博浪沙功成託導引豈曰棲煙霞全身更全
名飄然高風遐高風本血誠莫使毫釐差
濂溪惟愛蓮淵明惟愛菊吾於羣卉中特愛
渭川竹嚴冬草木枯依然挺青綠扶踈繞屋
栽翔風鳴寒玉直哉君子節所守貞且篤

秦王失其鹿英雄爭逐之沛公入關中三章
法令施偉哉蕭相國策力成會時鴻門宴諸
侯端坐衣冕垂一增不能用勇力徒爾為矧
乃恣殘暴衆志均乖離用賢兼愛民斯為王
道基

煌煌諸葛公大義炳宇宙三分計先定三顧
始勉就拒曹挫其鋒和吳息戰鬥七擒孟獲
降六出伸達走漢祚竟不振星落莫能救惟
公仗忠誠中心思克復雖未躋伊呂猶在蕭
曹右豈徒仰勲名宮牆輝俎豆

淵明既歸田門前種五柳心與世俗隔讀書
快飲酒惟結山水緣那復戀五斗微意殊可
風亮節不掛口

同雲布層陰密雪降九霄乾坤大地間化為
瓊與瑤六龍迴日御中天光孔昭藹藹復融
融積素一時消人生秉性良胡為自刻雕理
欲戰其中復被外誘搖安得如日出陰氣無
凍膠執中存道心吾聞諸唐堯

蘇卿節

擅廬夜密天山雪一腔血性猶然熱空教淚
灑李陵襟獨重千秋蘇武節秋草蕭蕭老茂
陵幽宮路杳喚難應持謁荒原痛表曲節旄
落盡如髮禿

侍中衣

侍中衣慎勿浣草中天子識良佐官墓叫罷
肉糜殘此日何能救饑餓倉皇應悔晨鷄鳴
蕩陰秋色闇椁棺正色從君却佳馬侍中浩
氣今如生猶憶知幾衛伯玉撫牀惜座傷表

曲

鄭公笏

貞觀天子能納諫黏壁封童盈便殿當時貞
亮數鄭公君臣一德堪歆羨十思纔上十漸
陳仲山補衮抒忠純祇今遺蹟傳公笏想像
進奏風霜新卓哉牙笏因公貴正直常留浩
然氣立碑可仆婦可改此笏千秋只姓魏

改太尉笏

饑軍蟻雜提霜戈瓊林庫貯何其多倉皇羸
馬奉天道寶玦珊瑚可若何封帛梁楣舊相
識一時北面非羽翼幾事不密乃害成此日
司農見本色氣似虹霓目似電不擊賊身擊
賊面慨慷一死重太山凜凜秋霜飛白練公
笏非石亦非銅一腔血性流其中桑田有改
笏不壞即今見笏如見公

俠烈行

俠烈復俠烈血性腸中熱能為百折鋼不為
繞指鐵能為易壞齒不為長存舌一身與一
劍衆中推人傑畢命報知己中心羞自悅

秦吉了

雕籠繡柱光離離語闌芳意情淒迷空庭新
綠圍四面家在關山西復西主人憐愛比小
鳳筵前艷曲曾三弄等閒不敢學雞鳴鮫綃
只恐驚春夢

藏雪

青女昨夜夜迴鸞車忽遺徧地瓊瑤屑朝來愛

日正三竿霽景更與尋常別蝶夢初醒扶短
筇踏破瑤京屐齒裂却觀禿兀玉山頽更愛
長林素蕊纈課童藏雪聊復爾大瓶小盞分
行列隨圓掬起古鏡冷因方裁破球圭坼映
目晶英心似冰渴腸未沃寒生舌比之滿貯
甕頭春自謂此舉猶非拙古香仙露沁詩脾
高齋清供天然設何須雜沓爭後先霽後晨
寒市踪絕

烹雪用前韻

瓷甌淪淨羞琉璃石鐺敲火然松屑明窻有
客欲澆書文武火候先分別甕中採取碧瑤
瑛圓鏡分光忽如裂瑩徹不減玉壺冰紛零
有似瓊華纈駐春纔入魚眼起建城名品盤
中列雷後雨前渾脆軟小團又惜雙鸞坼獨
有普洱茶號剛堅清標未足誇雀舌點成一椀
金莖露品泉陸羽應慚拙寒香沃心俗慮蠲
蜀箋端研几間設興來走筆一哦詩韻叶冰
霜倍清絕

冬夜聞空鐘

空鐘者以竹木為之繫於鴿尾鴿飛
空中則衝風而鳴泠泠然如清夜霜
鐘信可聽也

屋門下重簾歸鴉寒不起朔風戶外飄霜天
淨如洗我時聊復閒吟弄虛齋裏何來空鐘
音喚醒敲詩耳徘徊雲霄中清越難為比乍
如焦尾琴調自伯牙指又如寒蟬聲咽露曉
且羨春容招提煙清冷三峽水耐冷不能翔

飛鳴殊未已鵜鴿爾何勞歸鴉已安只一勞
而一逸為君評其旨野鴉不受羈動息由於
已鵜鴿戀豢養由人而已矣束縛其羽毛玩
弄憑童子傍晚放之飛達旦何能止嗟哉天
地間何事不如此

射雉行

麥塍臯月浪花長雉母呼雛翠隄上雛兒襁
褓纔學飛翅弱母心愁惘惘少年初挾燕角
弓芳畦緩步薰風中雛飛不似雉飛疾箭翻

繡羽飄腥紅歸來日暮心中喜不憐老雉傷
心死

學僂謠

東東叩齒鳴天鼓希夷內景昇瓊戶蓮臺坐
嬰閉三蠱僂名已入玉清府海塵漸起蓬萊
山瀛洲方丈飄渺間淮南雞犬不易及碧落
龍髯那許攀始嘆平生空費力家鄉欲歸歸
不得

向火

人生貧富殊畏寒情無二暖閣下重簾獸炭
鑪中熾豈無輕裘暖向火時坐地芳馥水沉
銷聯翩蠟珠墜春融丈室間清供良具備是
時萬籟收徙倚猶未睡忽聞街市聲寒宵風
送至勞逸乃爾異伊人亦我類苦耐霜飈冷
為覓錐刀利祁寒而怨咨聞之周書紀所幸
陽旋復春和歸次第貞者元之基成者君之
賜况復雪新晴豐年已告瑞

寒月

寒月上窓夜方丙歸鴉棲穩松梢影篆煙一
炷裊沉檀靜坐高齋聽漏永年來頗得三餘
樂妙趣當前默自領何用文牀卧翠衾正是
幽人蝶夢醒

過曲澗花香遊流杯亭日知閣諸勝

西苑曠且與擘自明代作瓊華萬玉堆太液
千夫鑿平地起蓬瀛城市而林壑松篁幾百
年參天秀崖峯秋深鴻鴈鳴春暖桃李灼肅
廟求神仙林亭更開拓方士朝扶鸞虛皇夜

飛鶴丞相冠蓮花將軍赤符縛雞犬倏已昇
殿宇還如昨

盛朝建邦畿舊制因城郭何獨廢西苑姑亦
存其畧高居非昔比偶幸行宮若雍正二年
夏承

息閑講幕避暑供遊息勝迹頻探索湛湛芳
草青潏潏游魚躍蔥蔥梧桐枝爛爛蓮花萼
或宴水雲榭佳景開芳酌或賦迎薰亭妙句
隨興落師友得從容昆弟善笑謔是秋獵塞

北竒峯峭天削回思此間山宛似日出燭因
緣不復至撫景懷佳約時過玉竦橋波光含
漠漠煙際辨樓臺松竹紛竿籥彈指十年間
何異風鳴鐸前日重來遊未能窮其樂遥矚
淑清苑凍岸不可泊今朝好風景遲日中天
爚步自瀛臺橋踏氷行躑躑乾蘆尋曲徑虛
殿開金鑰穿雲洞戶深步石川梁迳乃知洞
裏天自與尋常各冬深景寂寞翠剝琅玕籜
閒坐流杯亭更登日知閣會心濠濮間呼朋

嗒然噓其北乃假山巉巖何磊砢攀援徑絕
處深澗戲騰蹕時我徑過之我童猶畏却其
上掛瀑布結構儼廬霍飛沫雜氷流玉牙排
斷喞其池乃不凍疑有馮夷託當年觀魚亭
塵土生珠箔歸鞍適然返聊爾何住着我聞
山水緣好者不為惡何必買山錢底須蠟芒
屨前居水中萍茲遊林裏雀異日得清暇還
教度略徇

充隱

樂善堂文集卷之九
小隐隐山林大隐隐朝市如何末世人充隐
稱君子安車假徵求賂資囁莫起盛朝有遺
賢乃是皇甫氏清流本皎潔吐哉濫於此

秋夜遣興

春華復秋實來往運橐籥世人於其間憂喜
隨時作歡賞樂音陽金天嘆蕭索但知逐境
流觸處成執着何人能解懸便是希夷樂皎
如秋月心大哉天地幕

夜坐

夜坐悠然欣自得地鑪火煖燈花直年來詩
興富冬宵清吟消得銅壺刻朔吹生寒雪灑
天窓前梅蘂饒顏色因思勞勞市上人半身
僵凍還謀食有時西北來涼颼邊陲天末頻
相憶勞逸憂娛頓爾殊慚愧吾廬獨宴息九
臯生去不生歸戴九臯以七年出征十年輦骨而返前年夢見
傷心極天心仁愛應洗兵旋看明年大平賊
軍營十萬壯男兒各各歸家勤稼穡

憶遠

銀燭垂金英夜長人未睡重簾下攪輸邈然
動遐思邊陲萬里遙故人勤王事雪花大如
拳朔風勁如刺虎帳不禁寒征衣遠難寄我
輩擁重裘宴然讀書次况復歲華近團團一
家萃何當息烽燧凱旋歌飲至遐邇共歡娛
仰首望天賜

綠珠

學舞按歌足靈慧翠鈿珠落烏雲髻筵前擊
碎紫珊瑚盈盈弱質天教麗傾城未得却傾
家石侯東市堪咨嗟高樓一夕恨惆悵玉樹
朝來惜落花此時樓廢無消息野草還作傷
心色

題二十一叔父山靜日長小景

吾叔乃詩翁裁句清而好近復叅畫禪頗得
畫中道高齋長日暇為我濡毫掃即景繪為
圖筆法特高老一峯插天青波面池亭小峰
腰瀑布飛亭畔清流繞更無別粧點寫意殊
了了我聞詩兼畫妙品古來少摩詰真蹟無

元鎮清風渺吾叔乃升堂况值青年早從知
天授奇不憑人力巧嗟我學畫法年來曾探
討高山但景仰興洽林泉杳

鶴媒歌

童子開籠放鶴媒音長翅短清池隈上有野
鶴翩然來青莎顧步相徘徊主人喜得新鶴
易剪羽還將稻梁餵鶴媒有聲不能語長叫
寒天韻淒楚但願聞聲鶴莫來却得高飛不
籠汝

雉媒歌

平岡草淺雉媒叫遊絲飛絮紛斜照野雉歸
飛帶夕暉迴視雉媒如相召翻同飲啄不加
防上下鼓翅爭翱翔雉媒引雉入羅網弋師
歡喜媒徇佯嗚呼同類且如此機詐相傾殊
未已雉媒欲報稻梁恩莫辭自赴烹調裏

馮婕妤

上林虎圈雙門開奔熊正對官家來弱支膽
敵千夫勇當前直立驚同儕同儕驚上心喜

始識婕妤真愛已得寵不如失寵安懼心纔
定姤心起君不見呼天誰白中山寃致使人
傳大內言

神僊曲

飄飄羽佩凌天風雲裾娑娑曳綵虹西池阿
母煩守宮夢中幾過桃花紅下視蓬萊塵欲
起吹來鐵笛蘭煙紫鬱羅蕭臺空劫中駮鸞
謁帝雲霄裏却去竹山穿石窟泉底今朝葬
仙骨

海市

蜃氣遙浮滄海東離離曉現蓬萊宮璇題銀
榜幻空影重樓掩映扶桑紅鮫綃驅珠燦光
澤市與麻姑飾瑤席坐令人間眼界新煙雲
萬頃連天碧君不見方士迴舟阻風水僊踪
大抵皆如此

覺生寺大鐘

洪鐘二丈高其圍乃數倍隆棟繫旋蟲會光
耀精彩摩挲古質想前朝精鑄表裏龍蛇高

樂善堂全集卷之九
標題歲月去如海空餘鉅響振雲霄即今猶
眩俗人眼那論曾傾萬家產道場水月幻莊
嚴此語吾聞諸內典層樓重建梵王家彷彿
諸天散雨花一聲擊撞獅子吼沙界同音演
法華

鐘上有全部法華經文

題晉戴逵剡山圖

山川靈秀稱江南伊人小隱為結庵竹籬茅
舍頗自適雲容水態曾相諳老松落落蟠翠
色高峯轟轟烘朝嵐興來掃筆作長幅故知
邱壑性所耽三徑雖開人跡絕先生杖策獨
幽探何須絕琴誇逸致個中妙趣誰能參

恭瞻萬壑松風圖感而有作

老松經萬年幽壑紛千派蜿蜒掃黛眉虬龍
結青蓋耳際無餘聲颯沓泛天籟奔騰鐵騎
馳遙見捲旗旆神韻動諸天妙意殊堪會大
哉造化功金泉創仙界高堂臨萬壑一瀉松
風快當年諸孫行惟我承
恩最

賜居亭畔室虬枝森一帶盛夏如秋深日夕
靜相對設設吹衣襟谷神守清泰轉瞬成昔
遊感企瞻圖畫

行宮遣興

春風布始和昭蘇百卉萌靄靄景物佳曙鳥
相和鳴砌畔抽新草綠意含生生何幸承
恩來南苑薄言行芳郊未合圍朝暾映檐楹
隨境可怡悅吾誰與繫情欲開有山桃未語
彼黃鶯借問造化者何復殊枯榮

雨中舟歸

夕陽西下春雲布霏霏細雨迷蹊路中流雙
槳盪歸舟十里橫煙暗村樹岸柳冥濛待暮
鴉寥天低黯催孤鶩咫尺玻璃太液池幻作
寒江煙雨渡

放鯉

修鯉揚朱鬣雙雙卧筠籃失波受困縛吐沫
心難堪有人持贈我將以佐旨甘劇憐苦涸
轍猶可潛深潭春風漾水紋新藻綠氾氾撥

刺彼遊魚各各生意會呼童攜鯉至放之小
池南赴波漸旋泳倏逝如脫銜我非好清况
不為口腹饒今春放雙鯉明春百倍添寄語
饕餮者放生乃大貧

舟行

御湖三月春水生微風不動玻璃平樓臺咫
尺方壺聳楊柳千條煙靄橫蘭舟容與盪雙
槳飄飄渾似坐玉京緋桃綠李夾兩岸綰綺
錯繡春色并我思去夏泛太液荷香十里疑
蓬瀛即今光景正明媚綠波搖漾鷗鳧輕等
是舟行別今昨華荏苒何須驚

折芳圖

烏雲蘭馥翠未整阿香燒水簾櫳靜曉寒初
試五銖衣庭欄小立胭脂冷笑折芳枝佐玳
鈿露凝粉氣猶鮮鮮歸來徙倚香奩側膽瓶
謾挿憐清妍對鏡簪花長太息年年不改枝
頭色

樂善堂全集定本卷之二十



古體詩

夜雨齋中焚香

虛齋坐清夜斗室如方丈容膝且自安忘機
心宇曠忽驚灑窓雨因風送微響喚醒吟詩
耳焚香助清賞細細沉檀煙篆絲裊直上簾
垂避輕寒靜聽聞萬象更深香影殘夢與蝴
蝶往此中樂趣多戶外非所想

雨中聞鴈

樂善堂集卷之三
蕭蕭夜雨飄風鳴新寒料峭著體輕空中鴻
鴈三兩橫音徹虛齋淒以清上苑景物爭明
媚倏爾變作三秋聲蘆荻蒼茫漫含思瀟湘
煙雨空復情沙暖鴛鴦遠浦淨明朝從看春
光榮

種松

園中足桃李錦繡爭春容一朝朔風撼寂寞
芳條空欲儲歲寒景當春乃種松抽枝始落
落含氣方濛濛風雨小亭側乍見出窟龍漫
言少丰韻莫嗤乏丹紅君子苟相顧勁節在
三冬

暮春曲

暖雲晴日烘春老殘紅埋迳消芳早綠楊十
里暗朝煙得得催晨鶯語巧在苒風光已似
奔輕寒料峭金猊温抽毫為寫留春句時向
窓前惜曉暎天津暖漲明如鏡指日應看芰
荷盛

西海捕魚

平湖蕩漾春波長萬頃玻璃映日朗
唼浪修鱗水面遊爭駕扁舟盪雙槳
漁人那曉生意多不捨鯤鮪盡收網
網罟紛絕流時作求魚想嗤彼貪利人
吾寧號清賞勸君解網放羣魚
篙撐綠水中流響花片飛香幾處漂
宿鷗眠起冲雲上刺刺新蒲欲出波
遠岫煙光含莽蒼樂哉此遊逸興多
鱣鮪洋洋任觸榜殘照西山返棹歸
別舟笑我成空往

採芝詞自題照

何來瀟灑清都客逍遙為愛雲烟碧
筠籃滿貯仙巖芝芒鞋不踏塵寰跡
人世蓬萊鏡裏天霞巾彷彿南華仙
誰識當年真面貌圖入生綃屬偶然

縛雞行

縛雞莫縛牝留以蕃孽生縛雞莫縛牡
留報長短更牝牡皆有用金鼎將誰烹
君看羣雞長頗足供葢羹口腹姿饕餮
所欲難滿盈何如留有餘長以佐生成

春蠶食葉聲

吳天三月春光蕩吳蠶三眠蠶更長陌上新
桑葉葉抽晴窓鎮日風雨響喚起深閨未盡
眉携筐急就飼朝饑流水潺潺箔間落爽籟
瑟瑟簾前吹日長莫厭耳根鬧蠶飽絲多足
相報但願今年官絹輸却免門前租吏到

秧馬

清和四月新秧綠一壠分來千壠足桐馬平
馳碧浪輕鬃鬣森森稻苗東北人使馬南人
船兩蹄踏破橫塘煙畦東畦西來往速插罷
儂家幾頃田戟戟青針波欲沒載驅終日何
曾歇草壁高懸睡老農好與吳牛同喘月

聞蛙

竹影搖夕涼清光入窓牖霜簾含風漪丈室
周旋久抱枝蟬噪寂蛙鼓羣如吼昆蟲各任
時日月雙丸走一徑繞溪行叢葦蓋數畝千
百沸成羣噉吞不住口我聞雷鳴夏汝蛙功
何有徒供小兒輩垂釣出淵藪轉眼墮笊簍

因鳴受災咎九夏能幾時胡不以默守

五日芒種

南風薰薰夾畝綠稻鉞出水如新浴五日天
中節物佳却逢芒種農功促平湖潏潏欲生
煙角黍蒲尊雜管絃老農炙背溪田裏那得
閒從競渡船暮歸偶自街頭走買得靈符貼
門首但願神貺沛曼陀指日西成看大有

銷夏

銷夏憑何事清吟興欲催心閒日晷永綺思
方悠哉天際涼颺動檻外山花開倏看明月
上入我戶牖來即境自怡悅拈韻無安排何
須逐曉涼步屨登高臺詩成哦幾過清夜閒
徘徊此樂足銷夏非云誇別裁

花石綱

江南花石新編綱舳舻銜尾達汴梁延福五
位爭工巧地狹更廓皇城墻深壑嶄巖極險
邃難妨馳突燕山騎徽廟精思百藝能如何
獨昧經邦智

野田行

驅車古城道寒煙濕秋草欹倒繚牆垣悲風
白楊老白楊樹下誰家園苔迷碑字棘生門
年年墓道無人掃空餘麟卧石虎蹲生時富
貴誇得意不惜萬金營幽隧叨榮已結上公
儀殊恩更賜東園噐熏人勢蹶今安在百年
事業歸桑海老松秃兀祇餘根子孫劇倒旁
人買

姑息行

君不見明皇開邊用邊將祿山秉鉞臨牙帳
又不見代宗無智用承璀三郡河北幕府開
子嗣弟及殊未已自此朝廷事端起德宗為
政事姑息封拜無能振披靡瓊林大盈榜庫
新涇原兵至玉石焚由來悖入亦悖出坐看
宮闕生埃塵嗚呼姑息真無濟令人却憶貞
觀世

夜卧聽雨憶平郡王

朱明屆候天方永如烘暑氣焦塵境座間禪

扇手欲疲林下乘風吹不冷今朝一雨洗煩
囂入夜濛濛萬綠靜楊柳陰中罷暮蟬梧桐
枝上收清影時有匡牀高卧人一杯芳潤澆
苦茗夜涼霜簟好安眠芭蕉響滴殘夢醒醒
後悠悠動遠思思在龍堆連雪嶺如心居士
在軍營年來王事勞馳騁即此清涼夜雨秋
行帳殘燈懸耿耿天心仁愛當偃師坐看絕
塞狼煙靖百萬健兒歸故鄉淨洗兵戈只俄
頃猶憶去年煙雨中綠簑共泛滄波艇清宵
蝶夢亦偶然人生何必嘆浮梗借有好風吹
送詩知君應在三秋領

伐棗歌

老翁持斧林中過伐取供人輪與軻我遊棗
林惜生意謂翁計拙如之何輪菌枝茂葉婆
娑結實應比尋常多年年秋成但賣棗管足
朝餐與晚醪何忍急取目前利坐令大樹換
斧柯老翁揖謝言難采低價還愁人不買縱
令留樹計久長只今枵腹誰能待

郭河陽關山積雪圖

層巒積翠數千里磴道盤空連玉壘鈴馱風
霜得得行長途跋涉間關裏世人馳利未肯
休風卷紅塵撲馬頭河陽一幅炎涼景不徒
妙筆誇風流

探雀兒

小雀出卵纔數日老雀將雛雛六七兒童縛
木作高梯巡檐探得雛兒出雛兒無知不憶
母老雀殷勤抱辛苦翻翻羽翼未長成嗟汝

何時離哺乳

梭拂子

驅蠅梭拂子絳絲縷縷垂如何有用物壁間
閒置之高堂珠箔圍四面冰盤清暑神安怡
座中恍似蓬萊鳥蒼蠅卻避將安施亦如太
平羣蠶息海宇不用驅除為我願梭拂長如
此莫資談柄頻頻揮

豐碑行

夕陽返照輝道周驅車古路西風秋路旁豐

碑何其稠森森掃笏盤龍虬誰能細考姓氏
留但聞土民說所由明代貂璫威福擅司禮
還無御馬園秉筆曾標封事題內操更教昆
明戰沒後養子不掃墳羣埋此地多無算當
時威嚴劇熏人只今草掩流螢亂我聞此語
識興亡秦漢唐宋皆殷監私暱何曾念履霜
竊權頓令愁飛霰勒石猶誇爵里高千年青
史誰能逃辛勤汗馬創業勞大半拋擲由若
曹

遣興

數日忽成月數月忽成年年月何曾異秋枯
復春妍而人於其中胡為感變遷浩浩東海
水舊時為桑田清風拂我面明月照我前馥
郁芰荷香澹蕩楊柳煙即境自怡悅饑餐困
便眠
薰風送蘭香清芬透紗牖烈烈夏日炎誰能
戶外走霜簟含清潤北窓高卧久心如止水
澄物來隨所受漫云苦煩歎靜觀暑何有

日昨策輕駟適從街市過見彼逐利者流汗
肩相摩豈不畏炎囂辛苦出無那歸來竹窓
下月影含松蘿迴念市廛人塵境甘消磨九
夏尚如此三冬當若何

輕舟泛晚湖一棹煙波綠荷芰襲衣香鷓鴣
傍人浴天地一畫圖俯仰供清曠何必蓬萊
洲雲霞覓仙躅黃昏蛙鼓鳴還似雲山曲
我聞古人語詩以道性情題韻隨手拈易如
翻手成乃有追琢者格律嚴為程槌字苦幽
澁結響務鉤鏗情性轉拘迫未得天趣并廣
廈避煩暑心閒塵境清即事攄別裁得句還
獨賡僻彼蒼松枝風来自在鳴

燕引雛

營巢屋梁頭抱卵雛兒長捕蟲飼其饑雙燕
心悵快羣雛長大巢居難雛褊弱翅凌風單
引飛庭院愁欲墮願借已力為羽翰嗟汝老
燕胡不悟謾教飛來又飛去羽翼成時會遠
颺可似烏鴉能反哺

食蓮

平湖參錯芙蓉紫看罷蓮花食蓮子輕舟棹
入碧洲灣猶有新紅纔出水出水新紅未吐
花晚風輕度香雲霞幾回流賞冷衣袂蚤秋
消息知非賒笑對冰盤珠玉淨清芬恰與幽
懷稱莫教入口嫌苦心從識生成有本性

擬古七首

離離山頭花青青牆上草天天松下桃苑苑
阪田稻雨露苟不及指日成枯槁空谷有佳
人幽閒而靜好憶昔出門時蛾眉未曾掃日
夕侍舅姑小心奉粟棗夫君久不見出身事
君早只戀洛陽花不返洛陽道日暮掩柴扉
脈脈空房老

露蟬掛高樹聲入西北樓晚景可憐生傷心
樓上頭羅衣掩秋扇風度寒颼颼伊人天一
方遠戍并涼州家居有如此冰雪况遲留深
悔失斟酌却令覓封侯

織成鴛鴦錦裁成鴛鴦被鴛鴦本同心同生

亦同死嗟哉未世人其心不如此朝愛芳草
青暮憐野花紫野花得意時芳草正委靡
堂堂復堂堂義和何奔忙三日不見君見君
髮半蒼五日別故人故人天一方世事如飄
蓬聚散那有常中庭羅酒漿烹豚割肥羊滿
酌金屈卮笙簫奏兩旁勸君且飲酒莫負好
時光

天地一逆旅光陰乃過客如何百年中更促
駒過隙勞勞長安道役役洛陽陌車馬爭春
風管絃擁上席但見庭中花那見路旁柏柏
樹日以老落葉無人掃朝夕牧兒來拋磚擊
神道

冬至羣芳歇松柏乃青青衆人賞後凋松柏
轉傷情傷情亦何為見賞歲寒時歲寒不可
回良材將安施不如同枯槁免使獨樹奇君
子苟相顧莫信桃李姿

玉絃橫長夜斗柄向西指寒風拂象牀爽氣
生蘭卮美人傷獨處拜月更衣起去年月圓

時良人同妾視今年月滿時出門求金紫金
紫亦難求得之何足喜不如早言歸與君長
共此

馬貴牧牛圖

平川首宿含煙綠牧童羣集雲山曲烏犍遠
放晚風涼偷閒笑語相徵逐但願禾稼如雲
收足供租賦免賣牛安得太守如龔遂腰間
樂勸解吳鉤夕陽在山尋歸路煙氣濛濛暗
林樹河中一幅景物繁監門圖繪意畧具

中樞歌

秉鉞託干城坐謀稱媪相奏對百官前供奉
金華上諛詞飾進報功勳中樞威燄天下聞
健兒自衛弱攻戰董兵權重唐監軍嗚呼徽
宗猶不悟自恃可用唯宦豎草竊雖平內寺
橫坐令宋室成南渡

青青水中蒲三首

青青水中蒲如劍森池沼下有雙鴛鴦同生
亦同老

青青水中蒲間以芙蓉花自問無顏色相對

重咨嗟

青青水中蒲忽萎秋風裏終始不離波嗟君

不似此

鴈奴謠

臨秋霜信排空書雌雄一失為眾奴飛隨天

際不致後為恐羣鴈相招呼蘆荻蕭蕭白花

亞成羣今偶眠秋夜寄語鸞弓少年當時

何不連雙射

丹青樹

終南有佳樹其名曰丹青欲幹挺百尺上結

車蓋形青赤葉相間望若錦繡明崖黃好手

筆一一畫難成抽條度春和呈祥藉地靈鳥

雀不敢巢映日獨蔥菁梁棟未試用徒傳奇

樹名不如松杉質猶足架軒楹良材苟終棄

空勞造化生

度竹鐘聲

月窓清映檀藥影細吟輕籟孤梢靜蕭疎透

響送霜鐘招提何處山僧醒韻雜琅玕度綺
寮點滴寒更發深省玉露頻敲浙瀝微斷續
如傳青籜冷今宵參破耳根禪乍迴殘夢清
懷永

古別離

古別離天上牽牛織女星一年一見徒含悲
銀河清淺欲度難何況白槐虧蔽之人間有
怨婦七夕夜半嗚嗚啼空抱心事不得訴仰
窺雙星欲寄詞鵲橋成一駕猶有交會期那
似良人成隴上生去未必生還歸

唐寅秋林高士圖

寒溪引入仙鄉深一川風景含秋林霞衣雲
帔結知心徘徊稱意羞華簪或浮輕舸或卧
岑把釣蘆岬垂絲沈有來童子斜抱琴高山
流水彈清音擊空松柏虬龍吟白鷗為伴浮
碧潯高山遺跡復見今簪筓晚籟寒窓侵生
綃一幅重南金唐君妙筆何森森乘槎他日
擬追尋祇今卧游瀟湘滌煩襟

新月

七月哉生明露坐寥天
澗碧梧影漸稀清映
蛾眉月古鏡吐微芒
銀鈎光出沒况當早秋
夕素娥逾皎潔對此
新光流逸想隨時發盈
虧始何年照耀無休歇
古來對月人胡為流
波忽際茲玉輪生習懷
正清越無須秉燭遊
何用上探窟對月不暢
吟轉瞬三五闕

七夕詞

孤桐泣露闌干濕絳河
迢遞離懷急雙星契
潤動經年寶婺生塵掩
雲笈歡娛却被離恨
牽天雞喚曙良宵殘
誰家弱婦高樓上何處
金針玉指穿弱婦穿鍼
羣乞巧那知箇裏光
陰老萬里遠戍祁連城
十年不返長安道長
安月夜臨風歎空羨雙
星渡銀漢龍輶旋轡
鵲橋收天上人間腸共
斷

弋鴈篇

三秋月如水風雜喧菰蒲
羣鴈自北至飛飛
集平湖穩向沙汀宿夢
與秋波俱誰與弋鴈

者巧計突澤虞潛身葦岫側持燈照鴈奴鴈
奴嗷嗷叫羣鴈驚眠初避射各令飛旋顧猶
繳無無端迴幽夢共疾鴈奴誣啄啄更爪擊
忍辱聲嗚嗚雌雄各安眠孤身痛始蘇弋者
還復來噤口不敢呼隨意恣弋取滿載尋歸
途我聞傳此事把筆長嗟吁嗟吁意何為覽
古興懷紆諫官君下目讒者百計圖一朝誅
斥盡旋亦亡其軀二列周代殷員沈越戚吳
自閉其耳目古今嗤至愚嗚魯興亡事視此
竟何殊

見桃下栽松感而有作

園中種樹羣芳滋幾年榮長紛歲難或列山
側或傍池同蒙雨露爭參差阿誰位置失其
宜山桃下植青松枝蜿蜒未放擊空奇甘為
翁蔽嗟何辭春日抽條綠葉披勢高獨占陽
和私慈龍待到歲寒遲吁哉已過煦姬時我
欲借問場圃師種植顛倒意何為青松磊落
龍鳳儀山桃弱質人所嗤胡居松上茂蔭垂

因循坐令虬枝萎自古掄材還若茲坐對感
慨抒幽思安得索駝妙手移或棄山桃付芟
夷良材俾沐三春曦他年梁棟誠堪期

饑鶴行

松陰顧步霜翎拂徘徊本是山林物秋澄鏡
浦魚深潛饑腸獨立金風疾雲間萬里青田
遙雙翅新剪難冲霄主人褐梁思未報仰
長空天沈寥

羽林執戟郎

香衢走馬雄風生蹴鞠場開連夾城朝遊玉
埒春如畫夜醉青樓酒似渾青樓留宿金貂
脫拚却一生花底活野老吞聲哭忍饑兒今
執戟黃金闥

樂善堂全集定本卷之二十一

古體詩

題劉松年武夷九曲圖憶聞之蔡先生

武夷層巘嵐煙碧水墅山村變朝夕桃源祇
許一舟通就中疑有神仙跡聞之先生八閩
客為余曾說山川僻當時興寄玉筍峰嗟吁
道阻未尋屐錢唐筆墨超凡格半幅霜綃圖
咫尺題詩九曲足卧遊還似書窓話疇昔

少年行

邯鄲美少年平生好仗義白日佩劍出里門
一聲叱咤千人避捨身只為意氣投生憎富
貴誇交德為君復讐望君報千杯一醉酒家
樓

雨

夜窓響芭蕉曉荷亞洲渚誰知夢覺中一枕
新秋雨牀頭蠟屐閒起走繞廊柱葛衫不禁
風微涼添幾許

同五弟月夜舟歸

湖波瀲灩當秋澄一輪寒浸秋月明上下清
光星斗燦輕舸打槳中流行萬籟聞寂天在
水蘆葦點點飛流螢長空沈寥堪妙會鴈行
拈韻欣同賡詩成泊岸松窓卧還聽沿階蟋
蟀鳴

遠將歸

欲別恨時促將歸恨日長庭前繫馬雙垂楊
為君再整羅衣裳去時路即歸來路別後新
歡應勝故記得曾攀弱柳枝即今瀟灑成枯

樹今宵夢不到天涯垂垂銀燭初成花欲訴
離愁猶未了一聲雞喚東方曉

城門歌

城門閉兮言路開羣鷲鐵騎燕山來城門開
兮言路閉處堂燕雀欣得計同盟已悞復和
親坐令汴水成灰塵小舟黎陽渡五日却笑
南朝無一人君不見當時首禍由童貫纔見
邊烽先鼠竄

廢宅行

蛛絲密織珊瑚箔銅扉雙敞堪羅雀花開寒
砌為誰妍鳥啄風箏珠玉落當年甲第禁人
窺此日塵生秘閣帷繚垣歎倒村童入折取
庭前丹桂枝老翁驚視傷衷曲憶種茆檐領
芳馥薰人勢歛強移栽曾拆儂家數間屋

蓼花風

秋潭徹底清岸蓼紅低映西風水面來娉婷
舞腰競蒼茫蘆葦花寂寞芰荷柄日落晚煙
橫韻寫寒芳淨

有所思

置酒高堂上聽歌有所思所思在何處迢遞天之涯有惠雙南金不如此相知南金用有盡相知無已時眄彼中庭樹忽生連理枝連理非為貴所貴不相離同心而契濶咄哉徒會悲

月夜蘆洲

似雪蘆花滿洲渚搖曳西風夜深語喚迴清夢水亭幽秋色秋聲迷處所清光潏潏月在

江隱映漁舟過寒浦

雲臺歌

紫氣欲奪炎天赤南陽布衣提三尺昆陽一戰掃豺烽洛中布治敷天澤攀龍附鳳為侯王二十八將名煌煌中興功烈資贊襄雲臺圖貌千秋揚君不見淮陰趙醢英彭死子房從遊赤松子何似榮名保始終卓哉君臣能濟美

除架

樂善堂全書定本 卷二十一
白露零場圃瑟瑟西風寒可憐舍甲蔬生意
忽摧殘垂架青青葉引蔓已半乾呼僮為除
治蕭然景物闌猶喜遠山翠乍入疎窻觀無
須感代謝漫愁之盤餐冷畦旋種韭會當凌
霜攢

秋原草

迷離鋪翠露珠濕村郊寒飈西風急錦蹊繡
阪憶春遊秋光滿日扶筇立霜林葉落疊殷
紅猶疑紫艷堆芳叢寒雀成羣噪新霽平原

晚景煙濛濛

漁舟唱晚

蒹葭戰夕風明霞入澄水罷釣盪漁舟欵乃
波面起雲山列遠屏坐卧鏡光裏孤篷掛玉
鈎濁醪宴妻子短笛咽涼颼詎解調宮徵秋
來景寂寥漁樂獨無比

秋浦泛舟

西風拂水煙波綠櫂過寒溪三四曲采采蕪
葑颭白花臨流驚起雙鷗浴雙鷗忽入芰荷

叢可憐寂寞餘殘紅錦帆畫舫披薰風猶憶
競渡誇天中轉眼秋湖明似鏡雲山倒影澄
波靜岸柳寒蕭咽晚蟬艤舟月掛孤篷正

高其佩指頭畫魚

玻璃幾頃孤煙橫修鱗數尾不辨名晴光蕩
漾耀金碧泳游波面依浮萍誰知瀟灑濠梁
興付與一指傳其生掛壁滄浪秋意渺彷彿
當年在藻情

有初行

君不見晉武曾焚雉頭裘平吳還駕羊車遊
又不見明皇珠玉焚前殿太真寵盛長夜宴
人心靡不有其初幾見歷久常不渝當時焚
寶博虛譽誰知欲熾翻焚軀漢文却馬輕千
里崇尚節儉輝青史不聞號令付炎官祇覺
中心淡如水

八月三日作

金烏繞西下歸鳥集疎林乍見中秋月弄影
清池深徘徊倚石欄閒望抒清吟却憶昨年

秋今夕送知音癸丑年八月三日邊陲渺
郡王奉命西征
天未颯香霜風侵撫景懷契濶躊躇思不禁
南仲方出車頡利未生擒月明人盡望壯士
秋思沉我方宴卧餘風景聊追尋夜深蛩語
咽涼露濕衣襟

仲秋曲

銀壺滴滴更漏長踈梧月影含秋光夢迴幽
枕蛩響切曉看殘荷露氣涼蓼花翻風亞洲
渚驚起賓鴻飛別浦一聲孤唳碧天高二十

四絃調玉柱

夜聞覺生寺鐘

紗牖度涼颺桐枝弄踈影睡鴨篆紋消一榻
深宵冷忽聞野寺鐘十里傳音永不知十方
界誰歎發深省

桑條韋

桑條韋繼娥媚娘一朝封劍斬五王後車仍
蹈前車轍可憐唐室多專房本為相憐更相
倚誰知祖在枳房裏神龍餒餅不可言總為

龍裘欲加已嗚呼開創事亦難太宗圖治頗
英賢惜哉家法未盡美致令女禍相連綿

遊西海

輕舸盪入蕙葭叢波澄西海連長空雲山倒
影弄明媚寂寞殘荷搖晚紅蕭齋習靜過三
伏今日扁舟晚景逐煙汀沙渚轉蒼茫却憶
薰風吹岸綠

南苑雨中即景

蕭蕭綠槐枝徹夜滴疎響檐頭喚曉頻野雀
三與兩閒從閣道行金風透颯爽含潤草猶
竿凌寒菊初放墻外馬聲嘶悠然動遐想

雙柳樹

雙雙高柳拂長空繁枝低亞相青葱不知植
此者誰氏秋來踈葉凌西風露浥平原獵騎
出得意誰知消歲日南苑徘徊雙鳥飛煙柳
蕭條僅存一漫言草木本無情可憐獨樹傷
無朋寒郊彷彿靈和殿月上空餘子影明

海子外行圍

朝霧歛秋空遙天白如水獵騎出郭門寒郊
行邈迤箭逐雙雕飛鷹伺羣雉起相逢倚杖
翁農話斜陽裏悠揚墟里煙淡掛疎林紫歸
鞍拂晚風獵罷心猶喜

鷹搏兔

風吹衰草寒颼颼蒼鷹在臂凝霜眸瞥然狡
兔走平疇三窟已失空含愁高盤雲翻孤星
流厲爪下擊勢更道怒氣一奮誰能收嗟彼
韓盧有技徒增羞嗚呼汝鷹性匪柔却邀富
室千金求古來英鷲半埋沒凡雀嘈啾何其
稠

南紅門捕魚

煙蓼亞寒汀澄波漾秋浦垂綸玉鏡明潛鱗
堪指數蕭然秋意深數聲離岸櫓漁笛橫西
風雲山入新譜

寄衣曲

夜涼漏永聲瑟瑟征衣自裁還自縫素絲牽
恨紛難理銀釭照淚闌干紅香閨無那秋蕭

索頰憶龍堆朔風作及時遙寄禦君寒只恐
到遲君不著

瀚海石子歌

昔聞瀚海石子奇今日几席得玩之瀚海渺
在天之涯草不抽莖樹鮮枝春光罕照秋風
悲長年那得雨露滋其中產石羌誰為嗟彼
從軍戍邊陲更過萬里無歸期故人天末相
贈貽開匣忽覩光離離遠寄用表長相思紅
如珊瑚碧琉璃硬黃深青各有差大如雞卵
未剖時小如釵上紛珠璣亦有奇峰異壑姿
天然那事追琢施感君贈我置芸帷長日靜
對心神怡高歌消得梧月移吁嗟故人知不
知

濬沼

圓池寬數畝秋水涵清虛植以芰荷花畜以
文錦魚歲月既云久其下積泥淤潑刺礙遊
鱗相忘憶江湖物亦含其生與人豈異趨一
朝深濬之爰為安其居快哉玉鏡中潛躍隨

所如何殊濠濮上撫景襟懷舒

題唐岱秋山不老手卷

唐生胸中有廬霍為余一寫秋山狀毫端氣
韻擅蕭疎邱壑縱橫出心匠遠峰螺髻翠欲
滴飛龍直下噴銀浪招提想像晚鐘鳴森列
松杉作屏障我聞山水貴可居卧遊亦足娛
清曠展對蕭齋秋意深拂拂金風侵几上

賦得霜花撲曉鷲

山路散晨光行人殘夢醒欵段嘶寒風落月
挂斜影空林霏素霜萬壑朝嵐靜愛日是征
鞍點滴留清冷彷彿踏春遊花落餘殘景

題李思訓寒江待渡圖

輕風淡抹西風肅征人起曉紛馳逐啞啞羣
雀噪渡頭漁舟猶伴殘燈宿千林紅葉正凋
殘欲落未落古月寒勞勞名利何時歇一幅
寥蕭几上看

風篁笙奏

明窓愛日多几案先生暖檻外竹千竿翠影

欣踈散何來笙簧韻寥寥風送遠繁節乍敲
鏗低拍殊幽緩清如嘯遇孫勝比咸撥阮漫
云耳根聒天籟三千滿

雀噪

東方欲生明纖月西南落平林曙景通啞啞
鳴寒雀霜風斷續吹繁音轉高閣似話五更
寒如語栖枝樂蕭晨入聽幽明窓興堪託愛
日已三竿暖影侵帷幕快哉黃棉襖人鳥同
時著

冬夜對月書懷

烏鵲棲穩人行少
淅淅霜風窓外掃
曲屏銀燭含幽光
獨愛侵帷玉蟾皎
地鑪然炭暖氣
徐俯仰文室漸溫飽
此時緬想饑寒人
茅屋袂歔愁未了
境遇由來不可齊
消懷聊把陳篇考
忽聽霜鐘送林杪
踈櫺影度梅香悄
喜對清光延佇吟
殘更欲盡雞啼曉

遊法海寺即景

纖月挂空林曙鴉帶寒影
匹馬衝霜風為訪

招提境村墟散炊烟回首眄斜嶺扶桑耀朝
暉寒谷添晴景我行已覺疲禪僧坐方靜稍
然石竈烟為我烹茗尋古斷碑存探幽石
徑永誰能問法源暫可息浮梗帝京佳氣多
烟火籠萬井却供眺遠閣一覽餘清省寺有眺遠閣
晴明望帝京如咫尺

法海寺題壁

百年蘭若雲封戶山僧靜坐絕往還我來杖
策尋幽勝啾啾山鳥鳴空山欲落未落楓葉
赤乍斷乍續秋雲閒烟蘿石徑歸路杳孤月
已上臨禪關

冬夜讀韋詩

焚香對銀檠夜靜見明月遲遲玉漏寒萬籟
此時歇蘇州五字詩披覽逸興發園客事獨
繭格調殊清越七竅總不鑿安排活潑潑終
卷不能釋玉繩橫未斡

蠟珠謠

香篝斷續蘭烟吐月窻細把長更數銀檠明

滅詩思遲一天霜影簾垂戶誰敲仙掌鏗鏘
鳴猶疑滿斛珠璣傾却教吟興娛清夜窻外
寒賡綠玉聲

村賽曲

老巫伐鼓聲藪藪冬醅初熟霜柑紅合家羅
拜致虔恭村村樂事傳幽風黍稷堆西稻堆
東倉箱萬億快年豐謝神默佑思何窮賽罷
福酒先酬翁老巫牽羊別家去來年大有神
應助

霜曉炊煙

村墟寒曙暉霜重烏啼少微辨炊烟橫旋向
疎林繞縷縷披風寒依依散晴曉晨粥想已
成曳策絲漸小長祝茅簷裏歡然溫且飽

嗇夫詞

上林虎圈當晨開六龍飛騎官家來苑尉小
臣乏口給謀謀獨顯嗇夫才霸陵漢帝稱仁
厚特地褒嘉頒墨綬若非採取釋之言坐令
佞者羣奔走君不見正色立朝周大夫廷議

期期不出口

鶴氅裘

翩翩鶴氅如披銀望之直是仙中人可憐落
魄籬邊者中心歆羨良艱屯君不見仙人不
住人間世瀛洲方丈誰能濟長安比戶豪富
家朝坐華堂暮空第吁嗟仙人不若此豈如
垂釣披裘學嚴子

草色

勾芒鼓吹招搖東羲和御日騎蒼龍暖雲晴
旭當天烘皇州十里輝春融女夷小試龍梭
慢春信遲遲歸別院餘紅猶未上瓊枝嫩黃
乍覺鋪芳甸光風轉蕙物昭蘇暗報陽和日
日殊輕寒料峭天街曉試辨茸茸色有無

萍始生

潑刺遊鱗纔上水嫩萍拖翠春流始牽風搖
漾縠紋輕試詰生生忘所以綠髮新梳濕未
乾半含清潤凌波寒誰家一匹冰紈素忽織
參差藻無數

石徑松雲

石洞盤紆雲掩門長松落落擎雲根虬枝颯
沓泛清籟幽勝不數桃花源綠陰掩映蒼苔
翠仙家孤鶴偷閒睡醒來雲氣忽滿身疑是
丹爐烟繞翅

漁莊晚霽

夕陽天外明遠浦歸颿疾吳童盼阿儂獨倚
柴門日晚烟漾澄流漁莊足蕭瑟何來欸乃
曲忽自叢蘆出霽影射波紅曠網梭皮室共
擬金波上數杯醉椰蜜

野寺殘陽

斜日照林低野寺鐘魚靜亭亭塔影孤川風
淡晚景片雲出岫間餘霞橫抹嶺誰歎牛背
人歸路歌聲永暮色遠蒼茫金波忽流影山
僧獨趺跏炷香觀平等

野店風帘

杏花村裏春光好人家隱映迴巒抱招得遊
人策蹇來一尺青帘挂林表輕風搖曳高復

低斜拂垂楊綠未齊
曉烟幕歷溶溶月夕籟
低徊淡淡溪東皇
鼓物標青幟臨風無限悠
揚意韶華撩眼興陶然
不綠野店新醪醉

過覺生禪房

十里輕陰路便覺非塵境
緩轡到招提颯然
松風靜禪房花木香
小憇耽清景上人息萬
緣跏坐觀平等徘徊石徑紆
徙倚松軒永且喫趙州茶
莫問雲門餅歸騎漫教催
餘霞亘西嶺

樂善堂全集定本卷之二十二

古體詩

熏香謠

寶鴨昂頭綠雲吐湘簾幾扇垂
當戶廣座風生六月涼
水沉一片熏爐炷熏爐
斐几清無埃芝印欲就
光徘徊誰家才子紅蘭署
何處佳人玉鏡臺
篆絲細裊香烟散萬境都來
參鼻觀主人日午正高眠
夢中留得殘香伴

漁鄉曝網

殘陽西落射柴扉
漁翁盪槳前溪歸
歸來枯柳扁舟繫
長竿曝網溪風微
風吹網眼千珠落
網得魚歸兒共索
老翁不與意非慳
換取青錢供晚酌
江鄉有酒更有魚
一家長享豐年樂
豐年樂雨後明霞
抹林脚

松陰午憩

長松夏亦寒
嘉陰如張蓋
白石堪坐卧
清泉流一派
有時微風起
瑟瑟泛虛籟
繫余閒步履
小憩松陰內
枕簟延清芬
濤聲涼可愛
徙倚林泉間
興寄雲霞外

溫泉荷花

首夏荷葉纔田田
溫泉開花已如然
六月池塘荷始盛
溫泉花謝餘青柄
溫泉水暖荷花早
羣鶯艷質凌波好
那知消長不須時
九夏未半先枯槁
我欲乘興弄扁舟
蕙葭葭青青壓岸頭
可憐荷花轉不若
已作一段橫塘秋

聞雞起舞曲

聞雞鳴中夜
舞英雄志氣
冲天宇
聞雞鳴舞

樂善堂全集卷之二
且歌功業未就可若何古來壯士多消磨待
旦不寐空枕戈君不見士雅擊楫意慷慨越
石清嘯胡兵退當年事蹟略相同恨不功成
青史載

題林朝錯蒼松霜隼圖

長松落落拏龍虬下映清淺之碧流何來霜
隼脫羈鞬高枝獨立態轉遒搏風羽翮橫九
秋電光閃閃輝雙眸挂壁直使燕雀愁啣泥
怯上雕梁頭君不見將軍臂上軒勇氣饑飽
由來受人制又不見王孫愛汝雪毛竒高飛
不得遭縛繫豈如幻化生綃裏厲爪秋空攫
飛雉五方小兒謾張羅因風直欲凌雲起

六月十四日聞蛩

今年秋信早六月蛩已鳴月檻納涼天籟寂
唧唧忽作三兩聲主人哦句繞徑行砌旁幽
韻如共賡幾度振羽音逾亮轉動經年離別
情仰看踈梧魄影明銀河如練碧落橫暮余
生寒羅幕靜秋聲秋色今宵并

卧月

新月挂玉鈎露下空庭濕高懸綠湘簾盡放
清光入桃笙漪翠浪桐風來習習獨卧看流
螢千點星光集

題趙文敏中峰懷淨土詩畫卷

了得心如幻西天即東土多少念佛人覓佛
在言語妙哉松雪翁筆意脫凡腐借問是佛
非燈籠答露柱

陌上桑

離離陌上桑桑葉初染綠郎在姑蘇城妾在
大隄曲相隔迢迢如萬里大隄秋冷芙蓉紫
風光春去復秋來可憐郎心不可恃郎心風
中燭妾志水中石願作白馬逐君行天宇寥
寥覓無跡

封鮓行

曾聞陸氏子懷橘餉其親又聞陶氏母封鮓
謹持身懷橘可云孝封鮓可云仁兇豈無母
遺官物非濟貧卓哉陶士行其後為顯臣運

樂善堂全集卷之二
一
覽久習勞分陰常所珍教子以義方湛氏真
其倫

疾風勁草

金風颯沓至羣卉皆委靡豈無芳華姿時過
不堪恃矯矯彼勁草特立秋原裏枝葉已蕭
條堅心猶未死迴顧羣卉悲非甘衆所竒春
和竒回煦願共芳菲時

七夕篇

白月皎皎欲上弦西風送爽侵帷筵秋聲秋
色相婉孌撫景策杖庭梧前迢遙碧落橫銀
漢此夕雙星得相見脈脈盈盈一水間經年
話別情何限桂宮雲帳罷龍梭羽蓋初嚴欲
渡河天下人間兩無異惟有今宵秋思多秋
思綿綿亘今古離愁渺渺迷處所可憐羅幔
暗驚秋不比尋常乞巧樓誰家砧杵傷獨宿
何處邊笳淚欲流邊笳砧杵斷復續恨比蛛
絲繁萬曲仙人掌上露華寒曝衣樓畔金颺
蕭天雞唱曙各東西榆影茫茫路更迷可知

此夕雙星會便是當年古別離

古風

轟轟山頭峰忽為山下道
汎汎水中萍倏作原上草
何異人間世夢幻頻顛倒
朱墨分貴賤彭殤齊壽夭
萬境何縈心瀟灑舒懷抱
池水淡以深一泓秋月皎

暮出城東門見彼耘田者
偃僂畦壟間紅日正西下
揮汗立片時薰風散平野
指日卜西成籌車賽秋社
還憂租稅重催迫不相假
終歲事辛勤農夫獲利寡

黃金鏤為鈿明珠飾為珥
裊裊瘦腰肢若不胜羅綺
佳人命多蹇嫁與薄情子
勸君覓封侯出門求金紫
雖去萬里遙脉脉甘守此
朝遊花陌間暮宿青樓裏
終老迄無成妾身安所恃

有客天一方遺我尺幅書
開緘肅起拜如獲雙明珠
還君以空函非緣友道疏
相思在裏曲覩縷不能抒

明月照高樓上有窈窕人秋風冷蕙帶舞袖
欲生塵腸斷望斑驩心灰憶錦鱗疊我鴛鴦
被收我芙蓉茵相思隔萬里羅帳為誰春
獨樹少嘉蔭兩樹陰扶疎彼此相託藉春風
擺葉初龍葱森天宇綠影含綺䟽雨露豈有
私生理頗自殊忽然萎其一孤立等無徒草
木尚如此交情慎莫渝

秋風西北來庭砌涼以清玉魄映踈梧唧唧
寒蛩鳴雙星在河漢新傷離別情誰家砧杵
動良人方遠征而我晏然卧涼颺拂畫楹殘
夢迴枕簟吟哦月影明

細柳營行

壁壘傳呼天子來將軍無令門不開介冑不
拜識軍志棘門灞上真兒戲君不見淮陰多
多稱益善漢王夜入恣調遣從知持重勝多
謀亞夫名望從茲顯掃平六國智不淺

折檻行

建章殿上垂龍裘槐里小令面請求願斷佞

臣一人頭佞臣為誰安昌侯觸犯天威攀殿
檻拋將血性塗肝膽免冠叩首老將軍却令
遺直出屯坎嚴威忽霽迴春暄令勿完葺留
斷痕徒教事後旌忠直何如聽取當時言

寄衣曲

絳河西亘天欲秋聲聲砧杵雜風流誰家少
婦傷離別并剪裁衣明月樓新棉絮罷開香
笈手把金針燈下泣舊衣棉少不禁寒新衣
棉多線縫澁線縫澁衣寄遲夢中識得龍堆

遠衣到愁過江凍時

詠塞上達蘭海蘭松木筆格

迢迢絕塞隔萬里其間乃產海蘭松虬枝勁
直傲霜雪盤盤偃蓋蒼翠濃故人成回言其
畧懸知風景邊壤同開笈更贈我筆格云即
此木已所攻視之脉理頗密緻內黃外白如
兩重磨礪光澤全天巧素莖幻出幽蘭崇背
上題字選名句疑鏤玉葉鐫青銅吁嗟沙漠
所生物何期得伴書齋中韻助揮毫楊柳月

秀生覓句梧桐風芸窻宛覺添芬馥研山更
似增玲瓏感君雅意恣吟玩良材樸斲思無
窮

觀刈

秋露零場圃金風氣蕭索百穀已告成呼童
庠錢鑄為地只盈畝頗可驗耕鑿屆茲西成
候策杖課收穫轉憶東作時雨暘卜時若入
夏秀以實日中驅鳥雀念此終歲勤亦得一
朝樂園林喜空明爽氣侵簾箔撫景獨吟哦
允矣興所託

月夜泛舟

西山斜照秋江暮東林乍湧銀蟾露隊隊歸
鴉噪樹烟一葉扁舟凌晚渡風閃水輪縷縷
光波會玉鏡如如去長天一色望欲迷點點
踈星堪計數髣髴河漢坐乘槎白榆茫茫夾
兩路秋景寥蕭已可人更兼秋月明寒素便
卧蘆花任所之何須更問歸來處

招鶴行

主人招鶴鶴不來雲中洒翻空徘徊徘徊有
語不得訴一聲長喚告鶴媒翁家白石間蒼
苔林園勝絕無塵埃飲啄更喜稻梁足翱翔
無復鴛鴦猜淡沲清池供暮浴迷離曉岼衝
烟開絕異華亭怨明月不殊瀛海復瑤臺吁
嗟不返胡為哉臞骨自知與世乖主人雖容
奴僕恨不如小鳳巧語諧珍重深恩從此去
煙嶠茫茫不知處

秋江曲送梁學士假歸省親

秋江月印秋水明行人弄棹江上行帆指錢
塘促離恨雁來北塞多淒聲淒聲離恨何時
已只為高堂念遊子從知計日賦歸來繞膝
承顏無限喜秋江岼颯荻蘆花故鄉風物依
然嘉慈親早慰門閭望再謁金門捲絳紗

慕容垂

慕容奇男子低頭初入鄴馬上歌丁零得預
陰山獵高繫白鼻騮共醉燕姬家燕山不知
處健馬如飛去莫怪王景畧封劍用詭計早

樂善堂全集卷之二
知未遂時已有虎狼志

放燈曲

中宵弄槩蘆荻洲幻成萬朵金蓮稠涼露涓涓
涓月華白澄波幾頃連天碧詩思因秋一快
哉放燈滿湖歸去來

待月

銀河流素寒宵永簷牙挂樹踈無影石欄徒
倚望金波時有金風送微冷瓊樓半開天際
紅香熏睡鴨沉烟濃繡屏十二秋無色頻聽

階前細語蛩蛩音留客為久立寒空露重衣
衫濕

秋日泛舟西海

金颺漾蘭渚霞光射明川兩岸荻蘆花中流
獨放船水氣含微冷棹破秋湖烟一派空明
景與我相周旋憶我臨薰風輕舸弄清漣彈
指九夏過秋水連長天擊檝暢吟懷鷺起橫
塘前

題朱貞女傳

卓哉朱氏賢女子柏舟矢志志不徙蔡公獨
展大手筆質言傳紀書盈紙窈窕少長相公
家笄年禮聘許適李李未昏姻中道捐女乃
慟哭爺前跪兒已命字不可移兒未成婦不
可死權衡生死兩塗間兒惟自盡兒心耳江
頭秋冷水無波市中火煽房不燬貞心幸托
蔡公傳傳存人亦歸蒿里伊余耳聞此事孰
幾年宛轉詩腸裏今朝檢傳作題詞題成凜
凜秋風起

鶴唳行

長松落落經千歲下有孤鶴石邊睡睡醒臨
風唳一聲聲中無限幽憂思欲上松梢卧月
明可憐剪却雙飛翅主人稻梁豈易餐獨步
青莎不得意漫誇衛國乘華軒空傳瑤島陪
鸞馭爭如野鶴不受羈飛止由心無箇事

鳴鴈行

洞庭葉落寒林空雁行斷續鳴金風烟波浩
渺望無極好共銜蘆明月中流黃弱婦起長

嘆銀河皎皎夜將半可憐鴻鴈尚知歸郎似
斷蓬何處飛

奕

長夜苦無眠銀檠燈花落丁東漏聲寒風響
歲難鑰消遣憑何物楸枰差可樂布子定規
模就勢覘強弱棄取大小間幾許費村度何
須分勝負妙理應思索試從奕罷看本來無
一着

金籠鸚鵡曲

芙蓉小苑曲欄東綠衣深貯黃金籠春來景
色潑眼濃杏花微雨紅濛濛翠毛丹味饒佳
麗獨傍翠翫剪雙翅主家歌舞按涼州每聞
入破垂珠淚稻梁飽飫金籠裏不如饑飲壠
頭水

秋日過廣通寺

鳴鞭御街過小憇招提境瀟灑松竹秋因風
弄清影咫尺紅塵中便是山林景欲去夕陽
西颯然衣袂冷

西山下故宮曲

蕭晨策馬西山足嵐氣纔分萬峰綠
峴沓霜風冷野橋霏微露氣搖
寒竹野橋寒竹接宮墻何年帝子
黃金堂苔鎖雙扉人不見空餘
寂寞山花香當時綠鬢承歡處
燕巢蛇穴迷煙霧金牀文燄已
成塵井欄想像梧桐樹華清宮
殿絕鳴鑾建章萬戶圖中看
徘徊追賦前朝事鮮篆題碑字
未殘

瀛洲亭

木天儲羣彥古蹟留芳馨
咫尺樹石間舊結瀛洲亭
清風振瑤席花影落階庭
渺茫弱水遙荒唐白玉京
誰知通仙籍不隔水盈盈
院松四時色天籟萬古聲
成器皆琳瑯裁詩或瑤瑛
寄語亭中客莫負登仙名

明窓秋影

秋日上窓窓紙明閒庭
梧竹紛縱橫扶疎更復
會涼籟為我乍作蕭騷
聲霜林敗葉如染紫遙
漏螺峰淨初洗引入文
疏弄影枝倍添

一陵秋光美

驄馬御史歌

行且止避御史官道開驄馬來驄馬御史真
雄才令行無阻厲風雷五日京兆誠惜哉民
擁處驄馬去君不見鈎黨禍起玉石焚一時
清流羣避路

江皋曲

蘭洲激灑春波綠十里橫塘曲復曲歡跨青
驄上大堤妾在吳船夜獨宿船頭恰見治遊

郎立馬贈我黃金璫還君金璫君莫惱不作

錢塘蘇小小

秋日同二十四叔父五弟遊玉泉諸名

勝即事誌興用爽氣澄蘭沼秋香動

桂林為韻十首

秋光淡空碧蕭蕭天地朗今日勝遊招雙槩
扁舟放倒影鴻鴈寒澄翠玻璃廣殘香度荷
風颯然襟袖爽

輕舸沂遙波荻岬蒼茫意眼界淡烟光心宇

澄秋氣便狎鷗鷺羣詎羨笙歌沸舊遊境頗
諳茲遊足清味

我聞好事者萬里勞攀登咫尺苟會心邱壑
咸可憑草枯石岸出霜落溪光澄泊舟古寺
邊欲覓淨名僧

漁村互掩映遙矚凭闌干三秋稻已熟空畦
野水寒繁艷菱堤花幽香剩澗蘭最喜螺峰
青不隨時序殘

層臺接曲阿梵宇凌霞曉紅舒野蓼花翠點
殘蓮沼川泳而雲飛無心適魚鳥觸景樂相
忘如遊寥廓表

蕭晨步名園况復值高秋晴旭隔林上天宇
嵐煙收長空淨如洗爽氣澄雙眸坐看衆木
末如登百尺樓

西風搖梧竹泠然泛笙簧石梁古月明華池
淡冷光已見蕙葭白漫憶荷芰香妙哉嵇中
散高懷一嘯長

雲日掩映間遙峰乍清聳霜染榭葉丹臨風

枝亂動野鶴唳高空忽被閒雲擁我亦棹歸
舟明湖泛瀕洞

書帷捲午晴小山賦叢桂衣袂足清涼雲山
復開霽故知素節佳况是神仙地即景暢襟
抱陽烏已西逝

涼風起天末落照掛疎林栖鴉噪樹杪寒烟
濕衣襟勝遊那可戀逍遙本無心歸來坐明
月蒼然暮色深

題趙孟頫洗馬圖

千郊拖邈迤一川寒且泚怪石刺波青榭林
紅間紫奚官驅天閑盡就明波洗酡顏斜坐
鞍奚童任指使計數約百千量材皆駉駉名
駒志氣殊好境亦知喜或馳若龍飛或靜若
鴻止並驅爭先後滾地烟塵起或牡求其牝
或母乳其子亦有獨立者昂昂鬃上指駿馳
千里遙怒破萬軍壘我聞李伯時畫馬夙擅
美雪翁傳宗派妙意得神髓如遊汾漢間似
歷渥洼裏是時金風奏郊外秋蒐始擬欲試

